

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Information & Public Relations Minister Pu B. Lalchhanzova chuan GST dan thar chu Mizoram ei leh bar dinhmun thlak danglam thei ani tih sawiin hei hian hmasawwna lian zawk a thlen dawn a ti.
- 2. Sorkar kum kal mekah Taxation department chuan thla 7 chhungin chhiah hmuh tam berna GST atangin vbc 5,431 a hmu.
- 3. Ramsaten thlai an tihchhiat avanga loneituten hloh zawng zawng chu Pradhan Mantri Fasal Bima Yojana in a huam tawh dawn.
- 4. External Affairs Minister Dr.S.Jaishankar chuan firfiakte laka mipuite venghim tur leh do turin India chuan dikna chanvo a nei a ni a ti.



VARTALAP

Information & Public Relations Minister Pu B. Lalchhanzova chuan GST dan thar chu Mizoram ei leh bar dinhmun thlak danglam thei ani tih sawiin hei hian hmasawwna lian zawk a thlen dawn a ti.

Information & Public Relations Minister Pu B. Lalchhanzova'n nimin khan DIPR Auditorium ah Ministry of Information and Broadcasting hnuuia Press Information Bureau, buatsaih, One Day Media Conclave 'Vartalap' - thupui hrang hrang zirhona hun a hmanpui a.

He workshop-ah hian GST dan thar chungchang leh National Song kumina kum 150 tling Vande Mataram bakah Adi Karmayogi Abhiyaan chungchang zir ho a ni a, Thusawiin Minister chuan GST thar chu a tirah huphurhawm viauin lang mahse mitin nunphung ziaawm na tur zawk a ni a ti a, Mipui mimir khawsak harsa thlengin a tha zawngin nghawng a nei a, mipuite hmasawwna a thlen a ti.

Vartalap chu sawrkar laipuiin hnam inpumkhatna atana a hmalakna kawngah thil pawimawh tak a ni a ti a, National Song Vande Mataram chu India mipuite min phuar khawmtu leh ram dang hriat phaka India mipuite chawisangtu a ni a ti a, Vande Mataram chuan India hmasawwna a thlen tih sawiin ram inpumkhatna atan a pawimawh takzet a ti a, Ram leh Hnam inpumkhatna chu khawvel thang mekah ngaih pawimawh a hlawh zel dawn tih a sawi.

Taxation Commissioner Pu HK Lalhawngliana chuan Mizoram chhiah lakkhawm chuan ziaawm lam a pan zel tih sawiin mipuite an harh thar chho mek a ti a, GST dan thar chuan Mizoram eizawwna kawngah hmasawwna a thlen dawn tih sawiin Chhiah lak dan mumal zawk buaipui mek ani a ti bawk.

He hun hmanah hian PIB staff, AIR staff, Doordarshan staff te leh MZU leh ICFAI zirlaite an tel a, heng bakah hian thuthar lakhawmtute leh sawm bik mi pawimawhte an tel bawk.

(Corr : Isaac)



LADC ELECTIONEERING

Lai Autonomous District Council hnuuia Member of District Council (MDC) inthlanpui lo awm tur atan a inbuatsaihna ngawrh chho mek a ni a,

Nimin khan District Election Officer Pu Donny Lalruatsanga, kaihruaiin DC Conference Hall-ah Election Observer Dr. Andrew H. Vanlaldika leh Pu Abraham Beiraizi Khithie te leh, Election Official, leh Election Agent- te an thutkhawm.

Election Observer Dr. Andrew H. Vanlaldika chuan Inthlanna tura hmalak tawhna fakawm a tih thu sawiin, theihtawp chhuah chhonzawm zel turin Election Official - te a chah a. State Election Commission aiawh, SEC mit leh beng an nihna hre chiang tur a chahin, thawhhona tha tak a awm ngei a beisei thu a sawi

Election Agent- te chu an pawimawhna hre tur leh MCC bawhchhiatna awm lo tura theihtawp lo chhuahpui turin a ngen a. Dr. Andrew H. Vanlaldika chuan mipuiten zalen taka an aiawh an thlanchhuah theih chu thil pawimawh hmasa a ni tih sawiin, inthlanna tura mawhphurhna nei te theihtawp chhuah tura fuihin, Candidate- zawng zawngte duhsakna a hlan nghal a ni.

Pu Donny Lalruatsanga chuan inthlanna fel fai tak nei tura hmalakna kalpui zel a nih thu a sawi a. District Level Standing Committee leh Mizoram Peoples' Forum (MPF) - te dinfel a nih tawh thu tarlangin, inthlanna tluang tak a neih a nih theih nan Election Official-ten theihtawp an chhuah reng thu a sawi a ni. Sr. Superintendent of Police Pu PC Lalchunglura chuan inthlanna tura 'Security Plan ' siam tawhte sawiin Polling Station - 111 (+ 1 Auxiliary PS) a Police duty - turte siamfel a nih tawh thu tarlangin, MCC kenkawh, SST,FST, Sector Police Officer, EVM vengtu tur, Candidate - te Security turte inruat fel tawh a ni, a ti. Dan leh thupek kenkawh kawngah theihtawp chhuah niin, 3rd IR Battalion Thingkah leh 2nd MAP, Luangmual, Lunglei lam atanga an lo kal tur thu a tarlang a. SP Office - ah Election Cell- din a nih tawh thu a tarlang bawk.

LADC inthlanna turah Returning Officer - 3, Assistant Returning Officer - 3, Sector Officer- 17, leh Nodal officer - 18, bakah Team hrang hrang - 8, an awm thu a tarlang a. Polling Station - 111 +1 (Auxiliary PS) leh Women Polling Station - 3, a awm thu a tarlan a ni.

(Lalnggheta Ralte Lawngtlai PTC)

<><><>

TAXATION

Sorkar kum kal mekah Taxation department chuan thla 7 chhungin chhiah cheng vbc 7,861 a hmu tawh a, kumina chhiah hmuh tam berna Goods & Services Tax (GST) atangin vbc 5,431 hmuh a ni a; hriat theih chinah GST bika sum hmuh hi kum 2023 leh 2024-a kum tir lam thla 7 chhunga hmuh aiin kumina hmuh zat hi a tlem zawk.

Taxation department-in Mizorama chhiah hmuh zat -a tarlan danin, kumin April - October thla chhung khan kau hrang hrang atangin sorkar chuan chhiah cheng vbc 7,861 a hmu a; kum 2023-24 leh 2024-25 a thla sarhih (April - October) chhung ve vea chhiah hmuh aiin kumin thla 7 chhunga hmuh hi tam zawk mah se, GST bika sum hmuh erawh a tlahniam thung a ni.

Kau hrang hrang atanga chhiah lutah hian kum 2023-24 khan April - October thla chhungin cheng vbc 6,711 hmuh niin, kumina hmuh aiin vbc 1,150-in a tlem a; kum 2024-25 April - October thla chhung khan vbc 6,465 hmuh a ni a, kumina hmuh aiin vbc 1,396-in a tlem zawk bawk.

Chhiah hmuh tam berna GST atangin kuminah vbc 5,431 hmuh niin, kum 2023-24 thla 7 chhung khan vbc 5,733 leh kum 2024-25 thla 7 chhung vek khan vbc 5,622 hmuh a ni bawk a; GST bik atanga chhiah hmuh hi a tlahniam zawngin a kal mek.

Petrol leh diesel atanga sorkarin chhiah (cess) chi hnih a lak - Road Maintenance Cess leh Social Infrastructure & Services Cess-ah kumin hian cheng vbc 32 ve ve hmuh a ni tawh a, belhkhawmin cess atanga chhiah hmuh hi cheng vbc 64 a tling tawh a ni.

(Corr : Johny)

<><><>

HEROIN CASE

Kumin March ni 13-a Champhai District Hruaikawn kawnga Zokhawthar Police te'n Heroin hawng 440 an man a, a neitu ber nia puh, Henry Lalbiakzinga thubuui chu ala kal mek zel a, Henry Lalbiakzinga hian Special Court, ND&PS Act. Champhai Judicial District hnenah bail a dil a, a dilna hi nimin piah khan Special Court, ND&PS Act. Champhai Judicial District chuan Henry-a Ukil leh sawrkar Ukil te thusawi ngun taka a ngaihtuah hnuah bail a dilna hi a hnawlsak ta a ni.

Henry-a Ukil te hian Henry-a kut atangin dan phalloh thil engmah an man loh thute, a hriselna a that loh thu te, man a nih laiin BNSS Section 47 leh 48 in a phut anga man a nih chhan hrilhhriat a nih loh thu bakah a chhungte leh a laina hnaite pawh hrilh an nih loh thu te hmangin Bail an dilsak a ni.

Hetihlai hian sawrkar ukil te chuan Henry-a hi he thubuui ah hian a inhnawhni ngei ni a lan thu leh amah an mannaah dan bawhchhiatna a awm loh thu an sawi ve thung a, Henry-a hi thiam loh chang thei dinhmuna ding a nih avangin thubuui ngaihtuah a nih laia lo chhuah lailawk chu a rem loh thu an tarlang ve bawk.

Special Court, ND&PS Act. Champhai Judicial District chuan sawrkar Ukil te thu sawi chu pawmpuiin Henry-a hi thubuui ngaihtuah a nih lai chuan Jail-a la awm rih turin thutlukna a siam a, ND&PS Act. Section 35 leh 45 hnuaiah Henry-a hian hre reng chung a dan phal loh ti anga ngaih tur a ni tiin bail a dilna hi a hnawlsak ta a ni.

He case ah hian Henry atan hian Lalchhuansanga Sailo a ding a, Sawrkar tan hian Special PP Vanlalhumi a ding thung a ni.

(Corr)

<><><>

NO TOLERANCE

Kum 2025 Krismas leh Kumthar 2026; mitinin dam leh himtlang taka an hman theih nan Aizawl khawpui chhung hmun hrang hrangah thla thar ni Dec ni 1 atangin Aizawl Traffic Police chuan Lirthei

kaihnhawih Dan bawhchhiatna leh danin a phut lirthei document hrang hrangte endik in 'No Tolerance Drive/Checking' a kalpui dawn a.

Lirthei khalhtu leh neitu zawng zawngte tha taka dan zawm a, lo inhmakhua theuh turin an ngen a, He hunah hian exhaust (silencer) ri ring leh Company-in a vuah sa ni lo, midang tana harsatna Siam khawpa eng; head light leh light dang hmangte endik a ni bawh dawn a ni.

(DIPR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

MAMIT DISHA

Mamit District Development Co-ordination and Monitoring Committee (DISHA) chu Pu Richard Vanlalhmangaiha, Lok Sabha MP leh DISHA Chairman kaihruaiin nimin khan Mamit DC Conference Hall-ah an thukhawm a.

Lok Sabha MP DISHA pawimawhna sawiin department hrang hrang hnathawh hriatna niin hnathawh ho dan sawi hona tha tak a nih thu a sawi a. Sawrkar Laipuiina a hmahlir Vikshit Bharat 2047-India ram chankang(developed country)kum 2047 a chawikan a ni a, hemi atan hian Mamit district chuan chanvo pawimawh tak neinin hmasawna atan rilru leh ngaihtuahna seng theuh turin member te a sawm a ni.

He thukhawmah hian department hrang hrang - Rural Development, Agriculture, Health & Family Welfare, Irrigation & Water Resources, PHE, Education, Commerce & Industries, Animal Husbandry & Veterinary Sciences, Fisheries, Social Welfare, Women & Child Development, Land Revenue & Settlement, UD&PA, Tourism, Geology & Mining, Tourism, Forest, Transport, Civil Supplies, Fisheries, ATMA, Lead Bank-hnuaiia scheme leh programme kalpui mek te department hotute'n sawi zuana hun a nei a, hmalak tawh dan te sawi niin zawhna leh chhanna hun neih a ni a. Department hotute hian an harsatna te MP hnenah thlenin hmalak dan tur sawi a ni bawh.

Thukhawmnah hian District Bawrhap Pu K Lalhlawmlova leh Member Secretary DISHA ni bawh leh member te leh sawmte an tel a ni.

DISHA hi Sawrkar Laipuiin district tina a din a ni a, a tum ber chu Sawrkar Laipuiina schemes hrang hrang a duan-Centrally Sponsored Schemes-te kalpui dan endik leh hmasawn zelna tura thawhonna tha a awm theih nana hmalak dan ngaihtuah hi a ni.

(RD Darthanzauva Mamit PTC)

<><><>

AGRI INSURANCE

Ramsaten huanthlai an tihchhiat avanga loneituten hloh zawng zawng chu Pradhan Mantri Fasal Bima Yojana in a huam tawh dawn. Union Agriculture and Farmers' Welfare Ministry chuan PMFBY hi ennawn niin ramsa ten huan thlai an tihchhiat hi Localised Risk Category hnuaiia dah niin loneituten zangnadawmna an dawng thei tawh dawn a. State tinte chu ramsa in thlai a tihchhiat thinte chhinchhiah tur leh eng district nge tuar nasa zirchiang tura tih an ni a. Crop Insurance App hmangin darkar 72 chhungin an huan thlai tihchhiat dan an thelut tur a ni tih a sawi bawh.

(Newsonair)

<><><>

EAM

External Affairs Minister Dr.S.Jaishankar chuan firfiakte laka mipuite venghim tur leh do turin India chuan dikna chanvo a nei a ni a ti. Shanghai Cooperation Organisation (SCO) Council Heads of Government Meeting, Moscow a neihah he thu hi sawiin Pu Jaishankar-a chaun khawvelin firfiaka chetna lakah ngaihnhiamna engmah neiloa hma a lak a tul thu a sawi a. Tunlai khawvelin harsatna a tawh hrang hrang sik leh sa inthlak, hriheng leh inngirngghona karah hian mihring mihrinnaa ram hrang hrang thawhonna tha neih a ngai a ti a. India chuan ram hrang hranga cheng mipuite inkara inlaichinna tha siam chu a duh ber a ni a ti a. SCO member te chu khawvel dinhmun inthlak chho mekah an inherrem a, insiamthatna lam an ngaihtuah zel a ngai tih a sawi bawh a ni.

(Newsonair)

<><><>